

Broj: 13-11-4-7355/24

Datum: 10.10.2024. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinski načelnik d o n o s i

ODLUKU o poništenju postupka javne nabavke

I

Poništava se postupak javne nabavke „Sanacija stanova namjenjenih boračkoj populaciji“.

II

Za izvršenje ove Odluke zadužuje se Služba za zajedničke poslove.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

O b r a z l o ž e n j e

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-7355/24 od 02.09.2024. godine.

Procijenjena vrijednost javne nabavke sa PDV-om je: 200.000,00 KM (slovima: dvijestotinehiljada i 00/100 konvertibilnih maraka).

Obavještenje o javnoj nabavci broj 935-1-3-176-3-263/24 objavljeno je na Portalu javnih nabavki dana 10.09.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

Iz Zapisnika sa otvaranja ponuda vidljivo je da je do dana 01.10.2024. godine, pristigla ponuda slijedećeg ponuđača:

Red. Br.	Naziv i sjedište ponuđača	Ukupna ponudena cijena sa PDV-om
1.	INTERMING d.o.o. Sarajevo	200.715,20 KM

Nakon izvršenog otvaranja ponuda, Komisija za javne nabavke roba, radova je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Komisija za javne nabavke roba, radova i usluga je izvršila analizu cijene ponude ponuđača INTERMING d.o.o. Sarajevo, te konstatovala da ista sadrži računsku grešku. U skladu sa odredbama člana 9.5.1. tenderske dokumentacije ponuđaču INTERMING d.o.o. Sarajevo je poslano obavještenje o

ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Ponuda ponuđača INTERMING d.o.o. Sarajevo nakon ispravke računске greške iznosila je 200.850,33 (dvijestotinehiljadaosamstotinapedeset i 33/100 konvertibilnih maraka) KM sa PDV-om.

Ponudu ponuđača INTERMING d.o.o. Sarajevo Komisija je ocijenila kao **neprihvatljivu** iz sljedećeg razloga:

Ponuđač INTERMING d.o.o. Sarajevo je dostavio ponudu sa ukupnim iznosom ponuđene cijene koja je veća od procijenjene vrijednosti predmetne nabavke, te obezbijedenih novčanih sredstava ugovornog organa za nabavku.

U skladu iznad navedenim, a u skladu sa odredbom člana 69. stav (2) tačka e) ponuda ponuđača INTERMING d.o.o. Sarajevo ocijenjena je kao neprihvatljiva jer ista prelazi iznos obezbijedenih novčanih sredstava ugovornog organa za nabavku.

Komisija za javne nabavke roba, radova i usluga je jednoglasno predložila Općinskom načelniku da u skladu sa odredbama člana 69. stav (2) tačka e) Zakona o javnim nabavkama donese Odluku o poništenju postupka javne nabavke, jer jedina zaprimljena ponuda prelazi iznos obezbijedenih novčanih sredstava ugovornog organa za nabavku.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka e) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

OPĆINSKI NAČELNIK

Dr. Hasan Tanović



DOSTAVITI:

- INTERMING d.o.o. Sarajevo